

- 47 Իսկ այլք էին յայս բան ներհակ,  
Պընդեալ թէ նա ոչ եւս է ֆռանկ,  
Զի դարձ նորա է համարձակ,  
Ի՛ ի մեզ յարի ահա հըռչակ:
- 48 Այն զի Յակոբ ունէր յինքեան  
կասկած, մախանք զոր Սահակայն  
Ծընուցեալ էր ստայօդ բան,  
Ցանկայր Սարգսի բարեալ անուան:
- 49 Եւ զի ինքն իսկ կամէր գաղտնի  
Զի Սարգիս մեր երեւիցի  
Զերթ ըզֆռանկ յաչս ամենի,  
Յայս ինչ հընար ծըպտեալ ձկտի:
- 50 Այն է՝ սագրէր զի նա յատեան  
Քարողիցէ զԱստուծոյ բան  
Ի տօն Ծօնդեան, Պենտէկոստեան  
Յօր մեռելոց եւ Պետրոսեան:
- 51 Զի յայն աւուրս հանդիսաւոր:  
Քաջ քարողչին էր հարկաւոր,  
Զուղղորդն յայտնել մերժեալ թիւր կոր՝  
Եթէ չէր նա այր կեղծաւոր:
- 52 Յորս ըզհոգւոյն ելման վիճէ,  
Զերկու կամ մի բնութենէ,  
Ըզմեռելոց ըզկեփասէ,  
Խօսիլ պարան էր եւ զըստմիօջէ:
- 53 Յայսմիկ թէպէտ Սարգիսն ուշեղ  
Դիտէր զՅակոբ ոչ գոլ չըքմեղ,  
Սակայն գոյով ինքն հանճարեղ  
Դաւն այն նրմա չէր ինչ ահեղ: